

50-5-26

EXPOSITIO
JURIS PONTIFICII

JUXTA RECENTIOREM ECCLESIAE DISCIPLINAM

IN DUAS PARTES DISTRIBUTA,

AUCTORE

UBALDO GIRALDI

A SANCTO CAJETANO

Clericorum Regularium Scholarum Piarum,

APOSTOLICO ROMANI CLERI EXAMINATORE,

ET COLLEGI ECCLESIASTICI RECTORE.

PARS PRIMA.



ROMÆ, MDCCLXIX.

EX TYPOGRAPHIA CAROLI BARBIELLINI

IN VIA CURSUS

SUPERIORUM FACULTATE.

JOSEPH MARIA A S. JOANNE BAPTISTA

iiij

Clericorum Regulorum Pauperum Matris Dei Scholarum Piarum

PRÆPOSITUS GENERALIS.

Cum Librum, cui Titulus: EXPOSITIO JURIS PONTIFICII JUXTA RECENTIOREM ECCLESIAE DISCIPLINAM, Auctore Ubaldo Giraldis S. Cajetano, Ordinis nostri Sacerdote, Apostolico Romani Cleri Examinatore, & Collegii Ecclesiastici Rectore, duo ex nostris, quibus commissum fuit, recognoverint, ac probaverint; ipsius edendi facultatem, quantum in nobis est, Auctori concedimus.

Datum Romæ in Aedibus nostris Scholarum Piarum, apud S. Pantaleonem die 7. Augusti 1767.

Joseph Maria a S. Joanne Baptista, Præpos. Generalis.

Loco ✕ Sigilli.

Reg. fol. 121.

Theodosius a S. Anna, Secretarius.

APPROBATIONES.

Opus, cui Titulus: *Expositio Juris Pontificii, juxta recentiore[m] Ecclesie disciplinam*, attente perlegi, nec in eo quidpiam offendi, quod ejus editionem remorari posse videatur: immo, cum magna in ipso eluceat eruditio, & singula Ecclesiastica Disciplinae immutationes, quæ in Jurisprudentia Sacra passim occurrunt, gradatim, & dilucide exponantur, summo labore collectæ, tam ex Concilio Tridentino, quam ex Constitutionibus Pontificum, qui nonnullas licet a Prædecessoribus rationabiliter ordinata, tamen, suadente utilitate, vel revocare, vel in melius commutare consueverunt, Typis dignissimum censeo, si Reverendissimo P. Sac. Pal. Magistro videbitur, ut ex hoc Opere Respublica literaria sub oculos habeat novissimi Juris regulas, sive in judicando, sive consulendo, aut docendo, tuto sectandas, semperque magis celebret nomen Auctoris, rem palam exhibentis, a nemine hactenus pertractatam, desiderandam tamen, & admirandam cunctis. Romæ hac die 12. Maii 1768.

Darius Guicciardi, in Sapientie Archigymnasio J. U. Professor Publ.

Jussu Reverendissimi Patris Sac. Palat. Apostol. Magistri, qua potui diligentia, perlegi Opus quod inscribitur = EXPOSITIO JURIS PONTIFICII JUXTA RECENTIOREM ECCLESIAE DISCIPLINAM IN DUAS PARTES DISTRIBUTA, Auctore Ubaldo Giraldis S. Cajetano Cler. Reg. Scholar. Piarum, Apostolico Romani Cleri Examinatore, & Collegii Ecclesiastici Rectore = Nilque in eo deprehendi, quod vel Fidei Dogmatibus, vel Regulis morum adversetur. De utilitate vero hujus Operis, non est quod disseram. Hic porro quadrat quod scripsit Ulpianus *libr. 10. ad Edict. relatus in leg. 1. D. de In integr. restitut.*: *Utilitas hujus Tituli non eget commendatione; ipse enim se ostendit*: Auctor igitur sum, ut Opus hocce bono publico quamcitissime typis committatur. Romæ die 3. Mensis Octobris 1768.

Franciscus Munzci, in Romana Curia Advocatus.



P A R S P R I M A

*In qua continentur Variationes Decretalium Gregorii IX. Sexti, Clementinarum,
& Extravagantium, servato ordine Librorum, & Titularum,
quibus eadem Variationes accesserunt.*

EX LIBRO I. DECRETALIU

T I T U L O P R I M O

DE SUMMA TRINITATE



S E C T I O I.

*CAPUT I. FIRMITER ex Decretali Innocentii III. in Concilio
generali Lateranensi IV. celebrato Anno 1215.*

§.I. **F**IRMITER credimus, & simpliciter confitemur, quod unus solus est verus Deus, æternus, immensus, & incommutabilis, incomprehensibilis, omnipotens, & ineffabilis, Pater, & Filius, & Spiritus Sanctus: tres quidem Personæ, sed una essentia, substantia, seu natura simplex omnino: Pater a nullo, Filius a Patre solo, ac Spiritus Sanctus pariter ab utroque: absque initio semper, ac sine fine: Pater generans, Filius nascentis, & Spiritus Sanctus procedens: consubstantiales, & coæquales, & coomnipotentes, & coæterni: unum univerforum principium: creator omnium visibilium, & invisibilium, spiritualium, & corporalium: qui sua omnipotenti virtute simul ab initio temporis utramque de nihilo condidit creaturam, spiritualem, & corporalem: Angelicam videlicet, & mundanam: ac deinde humanam, quasi communem ex spiritu, & corpore constitutam. Diabolus enim, & alii demones a Deo quidem natura creati sunt boni, sed ipsi per se facti sunt mali. Homo vero diaboli suggestionem peccavit. Hæc Sancta Trinitas secundum communem essentiam individua, & secundum personales proprietates discreta, primo per Moysen, & Sanctos Prophetas, aliosque famulos suos, juxta ordinatissimam dispositionem temporum, doctrinam humano generi tribuit salutarem.

§.II. Et tandem Unigenitus Dei filius Jesus Christus a tota Trinitate communiter incarnatus, ex Maria semper Virgine Spiritus Sancti cooperatione conceptus, verus homo factus, ex anima rationali, & humana carne compositus, una in duabus naturis persona, viam vite manifestius demonstravit, qui cum secundum civilitatem sit immortalis, & impassibilis, idem ipse secundum humanitatem factus est mortalis, & passibilis. Qui etiam pro salute humani generis in ligno crucis passus, & mortuus, descendit ad inferos, resurrexit a mortuis, & ascendit in coelum, sed descendit in anima, & resurrexit in carne, ascenditque pariter in utroque: venturus in fine sæculi, judicaturus vivos, & mortuos, & redditurus singulis secundum opera sua, tam reprobis, quam electis, qui omnes cum suis propriis resurgent corporibus, quæ nunc gestant, ut recipiant secundum opera sua, sive bona fuerint, sive mala: illi cum diabolo peccatam perpetuam, & isti cum Christo gloriam sempiternam.